

Қазақстан Республикасы Үкіметінің 2003 жылғы 28 қарашадағы N 1194 қаулысына толықтыру енгізу туралы

Күшін жойған

Қазақстан Республикасы Үкіметінің 2005 жылғы 27 қазандағы N 1080 Қаулысы. Күші жойылды - Қазақстан Республикасы Үкіметінің 2016 жылғы 18 наурыздағы № 148 қаулысымен

Ескерту. Күші жойылды - ҚР Үкіметінің 18.03.2016 № 148 (алғашқы ресми жарияланған күнінен бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. "Табиғи монополия саласына жататын, ұсынылатын қызметтерге (тауарларға, жұмыстарға) арналған үлгі шарттарды бекіту туралы" Қазақстан Республикасы Үкіметінің 2003 жылғы 28 қарашадағы N 1194 қаулысына (Қазақстан Республикасының ПҮКЖ-ы, 2003 ж., N 45, 493-құжат) мынадай толықтыру енгізілсін:

осы қаулыға қосымшаға сәйкес қосымшамен толықтырылсын.

2. Осы қаулы алғаш рет ресми жарияланған күнінен бастап он күнтізбелік күн өткен соң қолданысқа енгізіледі.

Қазақстан Республикасының

Премьер-Министрі

Қазақстан Республикасы
Үкіметінің
2005 жылғы 27 қазандағы
N 1080 қаулысына қосымша

Қазақстан Республикасы
Үкіметінің
2003 жылғы 28 қарашадағы
N 1194 қаулысымен
бекітілген

Байланыс операторлары үшін байланыс операторларының телекоммуникация желілерін жалпы пайдаланымдағы телекоммуникация желісіне жергілікті деңгейде, аймақшілік және қалааралық деңгейлерде, қалааралық және халықаралық деңгейлерде қосу және телефон трафигін (жергілікті, аймақшілік, қалааралық, халықаралық ұялы операторлардың

желісінен (-не) өткізу жөніндегі қызметтерді көрсетуге арналған үлгі шарт

200__ жылғы " __ " _____

_____ (шарттың жасалған орны)

Бұдан әрі Қосатын байланыс операторы деп аталатын _____

_____ атынан

(субъектінің атауы, уәкілетті орган берген лицензияның N)

_____ негізінде әрекет ететін

_____ бір тараптан және

(лауазымы, Т.А.Ә.)

бұдан әрі Қосылатын байланыс операторы деп аталатын _____

(субъектінің атауы, уәкілетті орган берген лицензияның N)

_____ атынан

_____ негізінде әрекет ететін

(лауазымы, Т.А.Ә.)

екінші тараптан (бұдан әрі - Тараптар) мына төмендегілер туралы Байланыс операторлары үшін байланыс операторларының телекоммуникация желілерін жалпы пайдаланымдағы телекоммуникация желісіне жергілікті деңгейде, аймақшілік және қалааралық деңгейлерде, қалааралық және халықаралық деңгейлерде қосу және телефон трафигін (жергілікті, аймақшілік, қалааралық, халықаралық, ұялы операторлардың желісінен (-не) өткізу жөніндегі қызметтерді көрсетуге арналған үлгі шартты (бұдан әрі - Шарт) жасасты.

1. Шарттың мәні

1. Осы Шарт желілерді жергілікті, қалааралық және халықаралық деңгейлерде қосу және телефон трафигінің мынадай түрлерін:

жергілікті	телефон	трафигін;
аймақшілік	телефон	трафигін;
қалааралық	телефон	трафигін;
халықаралық	телефон	трафигін;

ұялы операторлардың желісінен (-не) өткізу қызметтерін көрсеткен кездегі Қосатын және Қосылатын байланыс операторларының өзара іс-әрекетін айқындайды.

2. Тараптардың желілерін қосу шарттары

2. Қосылатын байланыс операторының желісін Қосатын байланыс операторының желісіне қосу деңгейлері Қосылатын байланыс операторына байланыс саласындағы уәкілетті орган берген лицензияның шарттарында және Қазақстан Республикасының заңнамасында айқындалады.

3. Тараптардың желілерін қосу пункттері, терім форматы, дабылнамасы Қосылатын байланыс операторына Қосатын байланыс операторы берген жалпы пайдаланымдағы телекоммуникация желісіне (бұдан әрі - ЖПТЖ) қосуға арналған техникалық шарттарда көрсетілген.

4. Тараптар желілерінің технологиялық жағынан ұштасқан жабдығы Тараптардың әрқайсысының белгіленген тәртібіне сәйкес екі Тараптың өкілдері үшін қол жетімді болады.

5. Қосудың қосымша пункттерін ұйымдастыру қажет болған кезде, Қосылатын байланыс операторы Қосатын байланыс операторына жазбаша өтінім береді және Қазақстан Республикасының заңнамасында белгіленген тәртіппен қосуға арналған техникалық шарттарды орындайды.

6. Қосылатын байланыс операторы кемінде 4 (төрт) ай бұрын Қосатын байланыс операторын Тараптардың желілерін қосуды жаңғыртуға қажетті қосылатын және қосатын желілердің әр түрлі элементтерінің сыйымдылығын кеңейту туралы жазбаша түрде хабардар етеді.

Уағдаластық бойынша желі сыйымдылығын кеңейту жөніндегі жұмыстарды, жұмсалған шығындардың бөлігін кейіннен екінші Тарап өтей отырып, Тараптардың бірі орындауы мүмкін.

Тараптар Шарт бойынша өз желісін пайдаланушыларға да, екінші Тараптың пайдаланушыларына да техникалық және пайдалану параметрлеріне сәйкес сапасы мен оларды ұсыну уақтылығы бойынша тең мәнді қызметтерді ұсынады.

3. Телефон трафигін өткізу

7. Тараптар өздерінің желілері арқылы жергілікті, қалааралық, халықаралық телефон трафигін және ұялы байланыс операторларының желісінен (-не) телефон трафигін Қосылатын байланыс операторына берілген N, N___ мемлекеттік лицензияға (-ларға) және Қазақстан Республикасының заңнамасына сәйкес өткізеді.

8. Желіаралық телефон қосылыстарының ұзақтығын есептеу Қазақстан Республикасының заңнамасында телефон трафигінің әрбір түрі үшін белгіленген тарифтеу бірліктерінде жүргізіледі.

Желіаралық телефон қосылыстарының ұзақтығын есептеу шақырылатын терминал (телефон аппараты, автожауап қайтарушы, факсимильді аппарат, модем және т.б.) нөмірінің "абоненттің жауабы" деген дабылы түскен сәттен

б а с т а л а д ы .

Желіаралық телефон қосылыстарының ұзақтығын есептеу абоненттердің кез келген екі терминалынан (телефон аппаратынан, автожауап қайтарушыдан, факсимильді аппараттан, модемнен және т.б.) "тоқтату" деген дабыл алынғаннан кейін аяқталады.

Қосылыстардың жалпы сомасының есеп айырысулары заңнамада белгіленген қосылыстар тарифтеуінің бірліктерінде әрбір қосылыс ұзақтығының сомасына (егер ондай болмаса, онда Тараптардың қосымша келісімі бойынша) негізделеді, мұнда әрбір толық емес аралық үлкен жағына қарай толғанға дейін дөңгелектенеді.

9. Тараптар трафиктің есебін, шот-фактураларды ұсынуды және өздерінің желілерін пайдаланушылардан төлем жинауды дербес жүзеге асырады.

10. Тараптардың желілерінде жергілікті телефон қосылыстарын уақытпен есептеу жүйесін енгізу Қазақстан Республикасының заңнамасына сәйкес жүзеге асырылады.

11. Тараптардың екінші Тараптың желісінен Қазақстан Республикасының Үкіметі айқындаған шұғыл қызметтердің телефондарына телефон трафигін өз желілерінде шектеуге немесе тоқтатуға құқығы жоқ. Мұндай жағдайларда, телефон трафигін өткізгені үшін төлем алынбайды.

4. Тараптардың міндеттемелері

12. Қосатын байланыс операторы:

1) Қосатын байланыс операторына байланыс саласындағы уәкілетті орган берген N, N_____ мемлекеттік лицензияға (-ларға) және қолданыстағы нормативтік құқықтық кесімдерге сәйкес телекоммуникация қызметтерін көрсету үшін Қосылатын байланыс операторының желісіне өз желісін қосуды пайдалануға;

2) Қосылатын байланыс операторының желісін Қосатын байланыс операторы берген қосуға арналған техникалық шарттарды толық көлемде орындағаннан кейін техникалық мүмкіндік болған кезде қосуды тестілеудің актіленген оң нәтижесі болған және осы Шартқа Тараптар қол қойған кезде 5 (бес) жұмыс күннен аспайтын мерзімде өз желісіне қосуды жүргізуге;

3) Қосылатын байланыс операторына оның жазбаша өтінімі бойынша Қосылатын байланыс операторы желісінің жаңа қосылысына немесе қосу пункттерін жаңғыртуға арналған техникалық шарттарды өтінім алынғаннан кейін 30 (отыз) күнтізбелік күннен аспайтын мерзімде беруге;

4) Қосылатын байланыс операторының мүдделерін қозғайтын телекоммуникация қызметтерін қамтамасыз етуде іркіліс туғызуы мүмкін

байланыс құралдарының авариялық бұзылулары болған кезде, оны бұл туралы жедел хабардар етуге, сондай-ақ байланысты қалпына келтіру жөніндегі барлық шараларды қабылдауға;

5) Қосылатын байланыс операторының телекоммуникация қызметтерін қамтамасыз етуде іркіліс туғызуы мүмкін жоспарлы жұмыстарды жүргізген кезде оған бұл туралы жұмыстар басталғанға дейін кемінде 7 (жеті) күнтізбелік күн бұрын хабарлауға;

6) Қосылатын байланыс операторының жазбаша келісімінсіз осы Шарт бойынша Тараптардың желілерін қосу схемасына өзгерістер енгізбеуге;

7) Тараптардың желілерін қосуды қамтамасыз ететін техникалық байланыс құралдары кешенін ажыратуды Қазақстан Республикасының қолданыстағы заңнамасында көзделген жағдайларда және тәртіппен жүргізуге;

8) өзінің желісін Қазақстан Республикасының заңнамасында белгіленген стандарттар мен нормаларға сәйкес құруға, жабдықтауға, оған қызмет көрсетуге және пайдалануға. Олар болмаған жағдайда, Халықаралық электр байланысы одағының - телекоммуникация секторының стандарттары мен ұсынымдарын басшылыққа алуға;

9) нөмірлеу мен кодтар, терім қағидаттары өзгерген жағдайда, өзгерістер енгізілгенге дейін 30 (отыз) күнтізбелік күн ішінде Қосылатын байланыс операторын хабардар етуге;

10) Шарт бойынша алынған қызметтерге ақы төлеуді уақтылы жүзеге асыруға міндетті.

13. Қосылатын байланыс операторы:

1) өзінің желісін тек Қосылатын байланыс операторына байланыс саласындағы уәкілетті орган берген N, N___ мемлекеттік лицензияға (-ларға) және қолданыстағы нормативтік құқықтық кесімдерге сәйкес телекоммуникация қызметтерін көрсету үшін Қосатын байланыс операторының желісіне қосуды пайдалануға;

2) өзінің желісін Қазақстан Республикасының заңнамасында белгіленген стандарттар мен нормаларға сәйкес құруға, жабдықтауға, оған қызмет көрсетуге және пайдалануға. Олар болмаған жағдайда, Халықаралық электр байланысы одағының - телекоммуникация секторының стандарттары мен ұсынымдарын басшылыққа алуға;

3) телекоммуникация қызметтерін қамтамасыз етуде іркіліс туғызуы мүмкін Қосылатын байланыс операторының байланыс құралдарында, сондай-ақ Қосылатын байланыс операторының желілеріне қосылған желілерде авариялық істен шыққан кезде, бұл туралы Қосатын байланыс операторын жедел хабардар етуге және байланысты тез арада қалпына келтіру жөніндегі барлық шараларды қабылдауға;

4) телекоммуникация қызметтерін қамтамасыз етуде Қосатын байланыс операторының мүдделерін қозғайтын іркіліс туғызуы мүмкін Қосылатын байланыс операторының желісінде, сондай-ақ оған қосылған желілерде жоспарлы жұмыстар жүргізген кезде, бұл туралы алғашқысына жұмыстар басталғанға дейін кемінде 7 (жеті) күнтізбелік күн бұрын хабарлауға;

5) Қосылатын байланыс операторының желісін жаңғыртқан жағдайда, бұл туралы Қосатын байланыс операторына алдын ала кемінде 4 (төрт) ай бұрын мерзімде хабарлауға;

6) өзінің желісіне телекоммуникацияның басқа да желілерін қосуды Қазақстан Республикасының заңнамасына сәйкес жүргізуге;

7) Тараптардың желілерін қосуды қамтамасыз ететін техникалық байланыс құралдары кешенін ажыратуды Қазақстан Республикасының қолданыстағы заңнамасында көзделген жағдайларда және тәртіппен жүргізуге;

8) нөмірлеу мен кодтар, терім қағидаттары өзгерген жағдайда, өзгерістер енгізілгенге дейін 30 (отыз) күнтізбелік күн ішінде Қосатын байланыс операторын хабардар етуге;

9) Шарт бойынша алынған қызметтерге ақы төлеуді уақтылы жүзеге асыруға міндетті.

5. Өзара есеп айырысулар тәртібі

14. Телефон трафигін өткізу жөнінде ұсынылған реттелмелі қызметтер үшін тараптардың арасындағы есеп айырысулар табиғи монополия саласындағы уәкілетті орган бекіткен тарифтерге (есеп айырысу ставкаларына) сәйкес жүргізіледі.

Телефон трафигін өткізу жөніндегі реттелмелі қызметтерге арнап уәкілетті орган бекіткен тарифтер (есеп айырысу ставкалары) болмаған кезде, өзара есеп айырысулар Қосатын байланыс операторы бекіткен тарифтер бойынша жүргізіледі.

Шарт бойынша ұсынылатын қызметтердің құны Шартқа қосымша түрінде ресімделуі мүмкін.

15. Телефон трафигін қосу және өткізу жөніндегі қызметтерге арналған тарифтер (есеп айырысу ставкалары) немесе желіаралық телефон қосылыстары тарифтелуінің бірліктері өзгерген жағдайда, Қосатын байланыс операторы Қосылатын байланыс операторын жаңа тарифтер (есеп айырысу ставкалары) енгізілгенге дейін 10 (он) күнтізбелік күн бұрын жазбаша түрде хабардар етеді.

16. Егер Қосылатын байланыс операторы өзгерген тарифтер бойынша қызметтерді пайдалануды жалғастыруға келісім бермесе, ол бұл туралы Қосатын байланыс операторын тарифтердің өзгергені туралы хабарламаны алған сәттен

бастап 10 (он) күнтізбелік күн ішінде хабардар етуге міндетті. Мұндай жағдайда, Қосатын байланыс операторы жазбаша түрде хабарлама алғаннан кейін немесе ол болмағанда 10 (он) күнтізбелік күн ішінде шұғыл қызметтердің телефондарына шығыс телефон трафигін қоспағанда, Қосылатын байланыс операторының желісінен (-не) тиісті телефон трафигін өткізуді тоқтатуға құқылы

17. Есепті кезеңнің соңғы жұмыс күні Тараптар бір-біріне есепті айда көрсетілген осы Шарт бойынша алынған қызметтер үшін алдын ала берілетін шот-фактураларды ұсынады. Тараптар есепті айдан кейінгі айдың 7 (жеті) күнінен кешіктірмей алдын ала берілетін шот-фактуралармен және есепті кезеңде өткен трафик бойынша деректермен алмасуға тиіс.

Ұсынылатын қызметтердің көлемін салыстыру нәтижелері бойынша Қосатын байланыс операторы өзара есеп айырысулар актісін жасайды, оған екі жақты тәртіппен қол қойылады. Актінің негізінде есепті айдан кейінгі айдың 15 (он бес) күніне дейінгі мерзімде шот-фактуралар ұсынылады.

Трафиктің деректері бойынша 2%-дан асатын алшақтықтар болған жағдайда, Тараптар алшақтықтардың себептерін айқындауға арналған барлық шараларды қабылдайды және Тараптар қабылдаған ережелер бойынша әрекет етеді.

18. Тараптардың арасында телефон трафигін өткізгені үшін өзара есеп айырысулар Тараптардың сертификатталған және сенім білдірілген өлшеу құралдарының биллингтік деректерінің негізінде жүргізіледі.

Қандай да бір Тарапта шығыс және (немесе) кіріс телефон трафигінің қандай да бір түрін есепке алу жөніндегі өлшем құралдары болмаған жағдайда, Тараптардың өзара есеп айырысулары екінші Тараптың телефон трафигінің тиісті түрі мен бағытын есепке алу жөніндегі сертификатталған және сенім білдірген өлшем құралдарының биллингтік деректері бойынша жүргізіледі. Бұл ретте телефон трафигін есепке алу деректері мүдделі Тарапқа алдын ала берілетін шот-фактураларды өтеусіз ұсынғанға дейін беріледі.

19. Төлем жөнінде ұсынылған қаржылық құжаттарға Тараптар олар ресми түрде келіп түскен сәттен бастап 5 (бес) жұмыс күнінен аспайтын мерзімде наразылық білдіре алады.

20. Бекітілген өзара есеп айырысулар актісінің негізінде Тараптар бір-біріне алдын ала берілетін шот-фактураларға түзету шот-фактураларын береді. Тараптардың әрқайсысының түзету және алдын ала берілетін шот-фактуралары бойынша жиынтық сомалар өзара есеп-айырысулар актісі бойынша есепті кезең ішіндегі Тараптардың бір-бірінің алдындағы берешектерінің сомасын құрайды. Бұл ретте өзара есеп айырысулар актісінде түзету шот-фактурасы ұсынылған күннен кейін 15 (он бес) күнтізбелік күн ішінде көрсетілген акт бойынша берешекті төлейтін дебитор тарап айқындалады. Түзету шоттарын Тараптар

өзара есеп айырысулар актісіне қол қойылған сәттен бастап 5 (бес) жұмыс күні ішінде ұсынуға тиіс.

21. Тараптардың осы бөлімде көрсетілген ай сайынғы қаржы теңгерімін жасау мерзімі бұзылған жағдайда, Қосатын байланыс операторы есептіден кейінгі айдың 30-күніне дейінгі мерзімде дебитор тарап айқындалатын есепті кезеңге алдын ала берілетін ұсынылған шоттар бойынша сомалардың негізінде өзара есеп айырысулардың алдын ала актісін жасайды. Өзара есеп айырысулардың алдын ала актісі оларды Қосатын байланыс операторынан алған сәттен бастап 5 (бес) жұмыс күнінен аспайтын мерзімде Қосылатын байланыс операторымен келісілуі және ол оған қол қоюы тиіс. Дебитор тарап есеп айырысулардың алдын ала берілетін актісі бойынша берешекті өзара есеп айырысулардың алдын ала берілетін актісіне Тараптар қол қойған күннен кейін 10 (он) күнтізбелік күн ішінде төлеуге міндеттенеді.

22. Тараптардың бірі осы Шарттың 20 және 21-тармақтарын орындамаған жағдайда, екінші Тараптың есепті кезең ішінде бірінші Тарапта бір айлық есеп айырысулардың негізінде бір жақты тәртіппен, осы Шартқа сәйкес қызметтерге ақы төлеуге шот ұсынуға құқығы бар. Дебитор тарап шотты алған күннен бастап 15 (он бес) күнтізбелік күн ішінде ұсынылған шотты төлеуге міндетті.

23. Тараптар үш жылдық кезеңдегі барлық өзара есеп айырысулардың дәлдігін растау үшін қажетті есеп құжаттарын жүргізуге міндетті.

6. Тараптардың жауапкершілігі

24. Ұсынылған қызметтер үшін төлем мерзімі өткен жағдайда, Тараптар Шартқа сәйкес мерзімі өткен әрбір күн үшін осы сомаларды төлеу күні қолданылатын Қазақстан Республикасы Ұлттық Банкінің 1,5 есе қайта қаржыландыру ставкасын негізге ала отырып есептелген, бірақ негізгі борыш сомасынан аспайтын тұрақсыздық айыбын төлейді.

Тұрақсыздық айыбын есептеу мерзімінің басталуы, егер Тараптардың қосымша келісімінде өзгеше айтылмаса, есеп айырысу кезеңінен кейінгі айдың 26 - күні болып табылады.

25. Шарттың талаптары бұзылған жағдайда, Тараптардың екінші Тарапқа 30 (отыз) күнтізбелік күн бұрын жазбаша хабарлама беріп, дәйекті түрде мынадай шаралар қабылдауға құқығы бар:

1) Шартта көзделген қызметтерді ұсынуда мүмкін болатын шектеу туралы ескертуге;

2) екінші Тарап Шарттың 12-тармағының 11) тармақшасын және 13-тармағының 9) тармақшасын орындауға байланысты жол берілген бұзушылықтарды жоймаған жағдайда, Шартта көзделген қызметтерді ұсынуды 2

(екі) айдан астам шектеуге және (немесе) тоқтата тұруға;

3) Шартты сот тәртібімен бұзуға.

26. Шарттың талаптарын орындамаған немесе тиісінше орындамаған жағдайда, Тараптар Қазақстан Республикасының заңнамасына сәйкес жауапты болады.

Тараптар Шарт бойынша міндеттемелердің кез келгенін бұзған жағдайда, тұрақсыздық айыбын (өсімпұлды) төлеу және залалдар мен шығыстарды өтеу Шарт бойынша тиісті міндеттемелерді лайықты түрде орындау міндетінен босатпайды.

7. Форс-мажор

27. Тараптардың бір де біреуі екінші Тараптың алдында байланыс жүйелерінің немесе жабдықтардың кез келген бүлінуінен немесе істен шығуынан туындаған қандай да бір тікелей немесе жанама зиян немесе залал үшін немесе табиғи катаклизмадан, апаттан, қоғамдық тәртіпсіздіктерден немесе тараптардың еркіне тәуелсіз басқа да себептерден пайда болған қызметтерді ұсынудағы үзілістер үшін жауапты болмайды.

28. Егер осындай мән-жайлардың кез келгені Шартта белгіленген мерзімде міндеттемелерді орындауға тікелей әсер етсе, онда бұл мерзім тиісті мән-жайдың әрекет ету уақытына ұзартылады.

Қазақстан Республикасы уәкілетті органының форс-мажордың туындауын растайтын ресми құжаттары форс-мажордың дәлелдемесі болады.

29. Форс-мажор туындау себебінен міндеттемелерін орындау мүмкін болмай қалған Тарап олар туындаған сәттен бастап 15 (он бес) жұмыс күннен кешіктірмей екінші Тарапты жазбаша түрде хабардар етуге міндетті. Хабарламау немесе уақтылы хабардар етпеу Тарапты міндеттемелерді орындау бойынша жауапкершіліктен босататын негізде ретіндегі жоғарыда көрсетілген кез келген мән-жайға сілтеме жасау құқығынан айырады. Форс-мажор 4 (төрт) айдан астамға созылған жағдайда, Шартты Тараптардың кез келгені екінші Тараптың атына жіберілген алдын ала жазбаша хабарламамен бұза алады.

30. Желінің жұмыс істеуін қамтамасыз етуге қажетті қалпына келтіру жұмыстарын қоспағанда, байланыс операторының желісін қосуды кейіннен қалпына келтіру қосымша ақы төлеусіз жүргізіледі.

8. Шарттың қолданылу мерзімі, оны өзгерту мен бұзу тәртібі

31. Шарт Қосылатын байланыс операторының желісі техникалық параметрлерге сәйкестікке тестілеудің оң актісі негізінде пайдалануға қосылған

күнінен бастап күшіне енеді және Қазақстан Республикасының заңнамасында және Шартта көзделген жағдайларды қоспағанда, мерзімі шектелмей қолданылады.

32. Шартты Тараптардың кез келгені Қазақстан Республикасының заңнамасына сәйкес бұза алады. Бұл ретте Тараптардың барлық қаржылық міндеттемелері Шарттың бұзылатын күніне дейін толық көлемінде орындалуы тиіс.

33. Шарт бұзылғанға дейін реттелмеген өзара қаржылық өзара қарым-қатынастар, ол бұзылғаннан кейін Қазақстан Республикасының заңнамасында реттеледі.

34. Шарт бұзылған немесе оның қолданылуы тоқтатылған (оның ішінде Тараптардың өзара жазбаша келісімі, байланыс саласындағы уәкілетті органның шешімі бойынша) жағдайда, Шарттың 33 және 48-тармақтарының ережелері оны бұзғаннан немесе тоқтатқаннан кейін де алдағы уақытта күшінде болады.

35. Шартқа енгізілетін барлық өзгерістер мен толықтырулар Тараптардың уәкілетті өкілдері қол қойған және Тараптардың мөрлерімен бекітілген Шартқа қосымша келісім түрінде ресімделуге тиіс.

9. Хабарламалар мен хабарлар

36. Шарт бойынша Тараптар бір-біріне жолдайтын барлық хабарламалар және (немесе) хабарлар, егер олар жазбаша түрде жасалса, Тараптардың уәкілетті өкілдері қол қойса және тапсырыс хатпен немесе курьерлік қызметпен жіберілсе немесе оларды алғандығы туралы белгімен Тараптардың шартта көрсетілген мекен-жайлары бойынша қолына берілсе, күшінде болады және жеткізілді деп саналады.

37. Хабарламаларды және (немесе) хабарларды, егер хабар және (немесе) хабарлама жедел шешім қабылдауды талап ететін шұғыл сипатта болса (байланыс әрекетінің тоқталуы, алдын алу жұмыстары, авариялық жағдайлар туындаған жағдайда қалпына келтіру жұмыстарын жүргізу және т.б.), Шарттың 36-тармағында көрсетілген тәртіппен кейіннен жолдай отырып, факс арқылы жіберуге жол беріледі.

38. Хабардың және (немесе) хабарламаның факс арқылы жіберілген күні немесе хабардың және (немесе) хабарламаның адресат Тарапқа жеке тапсырылған күні оның алынған күні болып саналады. Хабар және (немесе) хабарлама, егер бұл хабарда және (немесе) хабарламада көрсетілмесе, алу бойынша жеткізілген деп саналады.

39. Тараптар бір-бірін өз атауының, заңды мекен-жайының, іс жүзінде орналасқан жерінің және Шарттың талаптарын орындауға қажетті өзге де деректемелерінің өзгергені туралы жедел хабардар етуге міндеттенеді.

10. Қосымша шарттар

40. Қазақстан Республикасының табиғи монополиялар туралы заңнамасына сәйкес үлгі шартпен реттелетін телекоммуникация желілерін жалпы пайдаланымдағы телекоммуникация желісіне қосумен технологиялық жағынан байланысты кәбілдік кәріздер мен өзге де құралдарды мүліктік жалдауға (жалға) немесе пайдалануға беруге байланысты туындайтын өзара қарым-қатынастарды қоспағанда, Шартпен реттелмеген барлық басқа өзара қарым-қатынастар жеке шарттарда және (немесе) Тараптар арасындағы қосымша келісімдерде айтылады.

41. Тараптардың Қосылатын байланыс операторы желісінің санатына тәуелді өзара іс-әрекеттерінің жеке шарттарын Тараптар Шартқа қосымшаларда белгілейді.

42. Шартқа сәйкес Қосылатын байланыс операторының қосымша желілік ресурстарын қосу қажет болған кезде, Қосылатын байланыс операторы Қосатын байланыс операторына жазбаша өтінім береді. Қосатын байланыс операторында техникалық мүмкіндік болған және Қосатын байланыс операторының алдында Қосылатын байланыс операторының мерзімі өткен берешегі болмаған кезде, алдыңғысы сұратылған ресурстарды Шартқа сәйкес бөледі. Бұл жағдайда Тараптар Шартқа іске қосылған ресурстардың саны туралы қосымша келісімді екі жақты тәртіппен жасайды және оған қол қояды. Қажет болған кезде, техникалық шарттарға тиісті өзгерістер енгізіледі. Ресурстарды бөлудің техникалық мүмкіндігі болмаған жағдайда, Қосатын байланыс операторы бұл туралы Қосылатын байланыс операторын 10 күннен аспайтын мерзімде жазбаша хабардар етеді және Қосылатын байланыс операторына желінің сыйымдылығын кеңейтуге арналған техникалық шарттарды береді.

43. Қосылатын байланыс операторында синхродабылдың меншікті көзі болмаған жағдайда, Қосатын байланыс операторы техникалық мүмкіндігі болған кезде Қосылатын байланыс операторының жазбаша сұрауы бойынша өтеулі негізде Қосылатын байланыс операторының жабдығын тактілі желілік синхрондау жүйесіне қосуды жүргізуі мүмкін.

44. Тараптар рұқсат етілмеген телефон қосылыстарына тергеу жүргізу, шара қабылдау және олардың алдын алу мәселелерінде ынтымақтасуға міндеттенеді.

45. Тараптар шарттық негізде бір-біріне жергілікті, қалааралық және халықаралық трафик пен Тараптар желілерін пайдаланушылар генерациялайтын ұялы операторлардың желісінен (-не) трафик бойынша деректерді есепке алу мен

өңдеу жөнінде қызметтер көрсете алады.

46. Тараптар екінші Тараптың желісінен шығатын телефон трафигінің барлық түрлерінің сапасына жауапты болмайды.

Тараптар пайдаланушылардың алдында Қазақстан Республикасының заңнамасына сәйкес жауапты болады.

11. Қорытынды ережелер

47. Тараптардың арасында Шарттың талаптарын орындау процесінде туындаған даулар мен келіспеушіліктерді Тараптар келіссөздер арқылы шешеді.

Егер Тараптар келіссөздер жолымен өзара келісімге қол жеткізе алмаса, онда даулар мен келіспеушіліктер Қазақстан Республикасының заңнамасында белгіленген тәртіппен қаралады.

48. Шарттың, сондай-ақ оған барлық қосымшалар мен қосымша келісімдердің мазмұны құпия ақпарат болып табылады және байланыс саласындағы уәкілетті орган мен табиғи монополия саласындағы уәкілетті органды, сондай-ақ Қазақстан Республикасының заңнамасында көзделген жағдайларды қоспағанда, үшінші тұлғаларға ашылмауға (берілмеуге) тиіс.

49. Шарт Қазақстан Республикасының тіл туралы заңнамасына сәйкес Тараптардың әрқайсысына бір данадан әрқайсысының бірдей заң күші бар бірдей екі дана жасалған.

50. Шартқа барлық қосымшалар Шарттың ажырамас бөлігі болып табылады және егер жазбаша түрде жасалса, Тараптардың уәкілетті өкілдері қол қойса әрі Тараптардың мөрлерімен бекітілсе күшінде болады.

12. Тараптардың заңды мекен-жайлары

Қосатын байланыс операторы:

Қосылатын байланыс операторы:

Қазақстан Республикасы
_____, _____ қаласы
_____ көшесі _____

Қазақстан Республикасы
_____, _____ қаласы
_____ көшесі _____

Тараптардың қолдары:

Тараптардың қолдары:

Қосатын байланыс операторы:

Қосылатын байланыс операторы:

2005 жылғы " ____ " _____
М.О.

2005 жылғы " ____ " _____
М.О.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК